

adir artikel zcu kortz adir zcu langk geschrebin, darczu vorruchet, vorsatz adir vorgessin were, adir ab ennych schade zcu dissem briefe adir ingesigeln geschee, zebrochen zcuryssen, zcustochen adir hölecht wurde, das sal alliß der wirdigen frauwen Annen eptischynnen adir iren getruwen ynnheldern zcu eren czinsen abekouffe zcu bezalen adir or testament zcu halden nictes schaden brengen, sundir wir reden vnd gelobin alle obingeschrebin artikel gutlichen vnd unuorbrochlichen ane alliß hindernisse zcu halden. Bie dissem kouffe vnd bie der betzalunge der vier-vndeczwezczigk schock synt gewest dysse hirnach geschrebin erbern prister er Symon Sekel zcu der cziit probist, er Jerge Fabri cappellan des tehands zcu Miessen, er Johannß Qwentin vnser bichtiger mit andern vnser closters capellanen, darnoch beide pryorynne, prelaten vnd sampnunge vnser closters. Des zcu eynem waren bekentnisse vnd mehir sicherheid willen habe ich obingenantir Symon Sekel probist myns ammechts ingesigel, vnd wir obgnanten eptischynne priorynne prelatin vnd die gancze sammelunge vor vns vnd vnser nachkomen bisundirn vnser closters ingesigel ouch lassin hengen mit wyssen vndene an dissen offin brieff, der gegeben ist noch gotis geburt virczehnhundert iar, dornach in deme acht vnde vierzigisten iar an sente Dorotheantage der heiligen juncfrauwen vnde merterynne.

Nach dem Orig. wie No. 452 mit den Siegeln des Probsts und der Sammlung an Pergamentstreifen.

No. 472. 1448. 11. Nov.

Der Probst und der Convent bekennen von der Aebtissin Anna von Schönberg 20 Schock Gr. empfangen zu haben und verpflichten sich ein Jahrgedächtniss für die aus ihrem Geschlecht Verstorbenen sofort zu veranstalten, nach ihrem Ableben aber dasselbe an ihrem Todestage für immer zu halten.

Wir nachgeschreben Symon Sekel probist, Cecilia Hartisch priorynne, Margaretha Gebisch vndirpriorynne vnd die gancze sammelunge vnser closters zcum heiligen Crucze bie der stad Miessen an der Elbe gelegin bekennen vor eyne ydermenlichen —, das die wirdige frauwe Anna von Schonenbergk dieczit eptischynne vnser closters had luterlichen durch gotis willen gegeben czwezczigk nuwe schogk groschen Friberger muntze zcu gebewde vnd zcu enthaldunge vnser closters, das denne die cziit grosse not tad vnd noch merelichen ist, dobie sie selbist grossin fleiß getan vnd bewiiset had. Hirumme so habin wir von egener bewegunge vnde dancknemeyckid ire gute menunge ynnyge hitzige begerunge vnd andacht angesehen vnd irkandt, die sie zcu vns allen vnserm closter vnd czu vnsern nachkomenden gehabt had, so reden vnd gelobin wir vorgemelten probist, prelaten, anwalden vnd sammelunge vnser closters vor vns vnd vnser nachkomen, das wir alle iar ierlichen eyne sunderliche iargecziit mit vigilien vnd mit selemessen noch gewonheid vnser closters wollen begehyn vnd bestellin gote zcu lobe, troste vnd hulffe allen den lieben selen, die vß deme geslechte der wirdigen frauwen Annen eptischynne vorgevant vorscheiden sind, vnd sunderlichen vor alle die, von den ir y^e gut hulffe adir radt gescheen ist. Sollich iargedechtnisse sullen vnd wollin wir itczund von stund von gift disses brifes